



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

"მიზითხი"

"მიზითხი", 1. ტყისა და ნადირობის ღმერთი; 2. წარმართული ხანის ხალხ. რიტუალური ცეკვა. გავრცელებული იყო აფხაზეთში. ცეკვავდნენ გაბაფხულის პირველი ყვავილობის დღესასწაულზე, ეძღვნებოდა მიზითხს - ტყისა და ნადირობის ღვთაებას, რ-საც აფხაზები ეძახდნენ მეზითჰა/მეზიხუს (იგივეა რაც ადიღეელთა მეზითხა/მზეგუაში - ამინდისა და ნაყოფიერების ქალღვთაება; ენათესავება ქართ. მზექალს). ყოველწლიურად, დღესასწაულის წინა ღამეს, ხალხი სიმღერითა და თოფის სროლით გადიოდა ტყეში. მზის ამოსვლის შემდეგ კი ბრუნდებოდნენ ყვავილებით მორთულ სოფელში. წინ მუხის ფოთლების გვირგვინით შემკული მოხუცი ქალები მოუძლოდნენ. ყვავილებს მ-ის სამსხვერპლოს კვარცხლბეკზე აწყობდნენ. იმართებოდა ჯირითი, ყაბახი (ძვ. ხალხ. ცხენოსნური თამაში). გამარჯვებულს უფლება ჰქონდა კვარცხლბეკიდან ერთი ყვავილი აეღო და ეცეკვა ყვავილის მომთან ქალთან.

ლიტ.: ა ნ თ ე ლ ა ვ ა ნ., კავკასიის ხალხთა მითები და რიტუალები, თბ., 2017;
ც ი ნ ც ა ძ ე ა., საქართველო-ადიღეს ურთიერთობების ისტორიიდან, თბ., 1982.
